



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De Bertrade inclusa, cap. 47.

urn:nbn:de:hbz:466:1-13177

dit: Cùm tibi, inquit, propius accesserit, dicas, Bene dicte. Quod cùm illa fecisset, malignus spiritus, quasi turbine impulsus, se in saltus dedit, nec vterus ad illam accedere ausus fuit. A POLLONIVS: Gaudeo quod tantam virtutem audio in verbo nostræ salutationis. CÆSARIVS: Tanta est dæmonum malitia, ut quo terroribus seducere vel frangere non præalent, fantastis visionibus seducant: Verbi gratia.

CAPUT XLVII.

*Religio-
sor visione-
nibus fal-
sis demo-
nes sedu-
cunt.*

IVxta castrum Volminsteine, quod sitū est in Westphalia, quædā habitat inclusa, Gertrudis nomine, femina sancta & religiosa, & propter reuelationes Dei, quibus illustratur, notissima. Hæc multo tempore, quia minùs circumspecta fuit, sicut audiui, pro angelō lucis, angelum tenebrarum suscepit. Solebat enim diabolus, fantastica circumfusus claritate, per quandam cellulæ fenestram intrare ad illam, futura prædicere, & de interrogatis instruere. Ad quam sive nisset quis, volens cognoscere statum alicuius amici sui defuncti, siue de alia re occulta certitudinem, illa inducias usque in crastinum periuit, angelum suum consuluit, à quo saepius decepta, falsa pro veris respōdit. Quod cùm comperisset frater Hermannus inclusus de Arnisberg, cuius in superiori distinctione cap. 87. memini, dæmonum nequitias non ignorans, iam dictæ inclusæ mandauit in hunc modum: Cauta esto soror, quia sèpe angelus satanæ, in angelum lucis se transfigurans, multos seducit, & viris sanctissimis non nunquam illudit. Sic ergo facias; Crucem de cera benedicta fenestræ, per quam intrare consuevit, imprimē, & si intrans illam non vitauerit, angelus domini est, sin autem, angelus tenebrarum. Quod cùm illa fecisset, & diabolus nocturno tempore cum solito fulgore venisset ad fenestram, & lumine immenso non intraret, ait femina: Quare non intras? Respōdente illo: Non possum intrare, nisi ceram de fenestra projicias. Illa diu se deceptam intelligens, contra eum spuit, & in contumelias erupit, & ne de cætero talia præsumeret, sub inuocatione summa

Trini-



Trinitatis illum adiurauit. Vides nunc qualiter Deus omnipotens contra diuersas dæmonum infestationes, diuersas creauerit medicinas? Alios à nobis compescit antidoto confessionis, alias verbo dominicæ annunciationis, quosdam per verbum Benedicere, multos per signum crucis. De his omnibus exempla habes in superioribus. APOLLONIVS: Peccauitne inclusa hęc angelum tenebrarum pro angelo lucis recipiendo? CÆSARIVS: Legitur in scripturis maiorum, quod homo sic à diabolo deceptus ei credendo mereatur, & hoc quam diu bona ei suadet. Non enim omnibus data est discretio spirituum. Vnde Apostolus: Pro- 1. Ioan. 4.
bate spiritus si ex Deo sint. Nec hoc silendum, quod ipse angelus satanae non solum in claritate, quam assumit, transfigurat se in angelum lucis, sed & in vili effigie quibusdam solet apparere. Nam modò in specie porci vel canis, modò in forma catti, vel cuiusdam alterius animalis se hominibus ad deceptionem solet exhibere.

C A P V T X L V I I I .

VIsus est tempore quodā in Hemmenrode, qua- *Demon*
si gregem porcorum in ecclesiam minare, & ea- *diuersorum an-*
dem via, qua intrauerit, denuo exire. Alio tem- *rum animalium*
pore Conuersus quidam, qui nomen suum vult sup- *assumit*
primi, dæmonem vidi in forma Prioris, & gestabat *formae*,
in collo quasi factum de stramine leguminis circu-
lum: præcedebat eum unus de complicibus eius, eū-
que eodem circulo quasi canem ducebat. Interea cùm
in tali fantasia chorum transiret, accidit ut Prior eundem
chorum ingredetur, Conuersos, si quos dormientes inuenisset, excitaturus, quo intrante, visio illa
fantastica ab oculis Conuersi mox subtracta est.

C A P V T X L I X .

Tempore quodam, bonæ memorię Hermannus cantor noster stans in choro, cùm tempore aestiuo laudes die clara decantarentur, & oculos ex lassitudine clausos aperiret, posteriora quasi vrsi de choro exeuntis cōspexit. De qua visione cū satis miratur, eundem vrsum vidi redire, & stare ante pres-
byte-